

ARRISKU-ADIERAZLEA**1/6**

Zenbaki horrek produktuaren arriskua adierazten du: 1/6 zenbakiak arriskurik txikiena adierazten du eta 6/6 zenbakiak handiena.

Produktuaren sailkapena, 2015eko azaroaren 4ko ECC/2316/2015 Aginduaren, finantza-produktuen gaineko informazioa emateko betebeharreri eta produktu horiek sailkatzeari buruzkoaren, arabera.

Argibideak ematea da agiri honetako informazioaren helburu bakarra.

Letra lodiz eta etzanez nabarmendutako informazioak garrantzi handikoak dira.

KREDITU-ERAKUNDEA

Izen komertziala: CAJA LABORAL POPULAR COOP. de CRÉDITO / LABORAL Kutxa

Egoitza soziala: Jose Maria Arizmendiarieta pasealekua, zk.g., 20500, Arrasate, Gipuzkoa

Telefono-zenbakia: 900 929 029

Helbide elektronikoa: kontaktatu@laboralkutxa.com

KONTUAREN AZALPENA

Erabateko erabilgarritasuna duen kontu korrontea, eurotan.

Irabazi-asmorik gabeko elkarteei eta jabekide erkidegoei zuzendutako kontua da.

SARRERAK EGITEKO MODUA

- Eskudiruzko sarrerak LABORAL Kutxaren bulegoetan eta kutxazain automatikoetan
- Transferentziak
- Txeke bidez edo eta pagareak, helbideratutako erreziboak eta kobrantzako beste hainbat modu erabiliz.

SALDOA ERABILTZEA

- Eskudirua ateratzea LABORAL Kutxaren bulegoetan eta kutxazain automatikoetan
- Ordaintzeko eragiketak:
 - o Helbideratutako zordunketak
 - o Transferentziak eta intsuldaketak, baita agindu iraunkorrak ere, LABORAL Kutxaren bulegoetan eta kutxazain automatikoetan edo Online Bankaren bidez
 - o Kontuari lotutako txartelen bidez egindako ordainketa-eragiketak

LOTUTAKO ZERBITZUA: ZORDUNKETA-TXARTELA

Kontuaren titularrak kontuari lotutako zordunketa-txartela eskatu ahal izango du, eskudirua ateratzeko eta ordainketa-eragiketak egiteko.

Zerbitzuari buruzko kontratu aurreko informazioan eta kontratu-informazioan zehazten dira zerbitzuaren erabilera-baldintzak, kontserbazioa eta kostua.

LOTUTAKO ZERBITZUA: KREDITU-TXARTELA

Kontuaren titularrak kontuari lotutako kreditu-txartela eskatu ahal izango du, eskudirua ateratzeko eta ordainketa-eragiketak egiteko.

Zerbitzuari buruzko kontratu aurreko informazioan eta kontratu-informazioan zehazten dira zerbitzuaren erabilera-baldintzak, kontserbazioa eta kostua.

KONTRATUAREN IRAUPENA

Elkarte eta Erkidegoen kontuaren kontratuak iraupen mugagabea du.

KOMISIOAK ETA GASTUAK

- Mantenimendu-komisioa: 9 € hiru hilean behin. Ez dute komisio hori ordaindu beharko 300,00 eurotik gorako batez besteko saldo hartzekoduna duten kontuek, epealdi horretan ez badute zorpeko saldorik izan.
- Interes-tasa zorduna: Zorpekoaren kasuan, interes zordunak balorazio-daten arabera likidatuko dira egunero, eta 3 hilean behin zordunduko dira.

Tasa nominala: % 7,298 **UTBa: % 7,500**

Informazio gisa esan behar da, urteko tasa baliokidea (UTBa) Espainiako Bankuaren 5/2012 Zirkularrean -2012ko uztailaren 6ko BOE- adierazten denaren arabera kalkulatu dela.

Kontsumitzaileei aplikagarria zaien UTB zorduna mugatuta dago: gehienez ere diruaren tasa legala bider 2,5 izango da.

Likidazio-aldia: hiru hilean behingoa

Likidazio-egunak: 02-28, 05-31, 08-31, 11-30

- Informazioa bidaltzearen komisioa:
 - Kontuko mugimenduei buruzko informazioa Postamail zerbitzuaren bidez bidaltzea doakoa da.
 - Kontuko mugimenduei buruzko informazioa ohiko postaren bidez bidaltzeagatik komisio hauek kobratuko dira, aukeratutako maiztasunaren arabera:
 - Hilean behin: doan.
 - Egunean behin (*):3 € likidazio-aldiko.
 - Hamabost egunean behin (**):2 € likidazio-aldiko.
 - Egunean eta hamabostean behin bidaltzeagatik, gainera, 0,34 €-ko komisioa kobratuko da laburpen bakoitzeko. Likidazio-aldi bakoitzeko lehen 5 laburpenak salbuetsita egongo dira.

(*) Laburpenean jasotzeko moduko mugimenduak dauden egunetan.

(**) Hil bakoitzaren 1ean eta 15ean, edo, jaiegunak badira, hurrengo egun baliodunetan.

ORDAINKETA

Taula honetan adierazten da bezeroaren aldeko interes-tasa:

<u>BATEZ BESTEKO SALDO TARTEA</u>	ITN	UTB
Bezeroaren aldeko hiruileko batez besteko saldoa 1.000 eurokoa edo txikiagoa bada:	% 0,00	% 0,00
Bezeroaren aldeko hiruileko batez besteko saldoa 1.000 eurotik gorakoa bada:		
- Lehen 10.000 euroak:	% 1,00	% 1,00
- 10.000 eurotik gorako saldoaren zatia:	% 0,00	% 0,00

Interesen likidazioaren adizkakotasuna: hiruhilerokoa.
Likidazio-datak: 02-28, 05-31, 08-31, 11-30.

Batez besteko saldo hori formula honen bidez kalkulatzen da:

Hartzekodunen kopurua / likidazio-aldiaren egun-kopurua

Bezeroaren aldeko interesak kalkulatzeko formula honako hau da:

$$\frac{\text{Batez besteko saldoa} \times \text{Interes-tasa} \times \text{Denbora} (*)}{36.500 (**)}$$

(*) Likidazio-aldiko egun naturalen kopurua.

(**) Urteak 365 egun baditu. Bisurtea bada, zati 36.600

Likidazio adibideak:

Batez besteko saldoa 1.000 eurokoa edo txikiagoa denean, kontuak ez du ordaintzen, batez besteko saldoa 1.000 eurotik gorakoa bada, kontuak %1eko ITNa ordainduko die lehenengo 10.000 euroei (saldoaren gainerakoa ez da ordainduko).

- Batez besteko saldoa 700 eurokoa bada: kontuak ez du interesik sortuko. **%0,00ko UTBa**
- Batez besteko saldoa 10.000 eurokoa bada: kontuak 100,00 euro sortuko ditu lehen urtean. **%1,00eko UTBa**
- Batez besteko saldoa 15.000 eurokoa bada: kontuak 100,00 euro sortuko ditu lehen urtean. **%0,67eko UTBa**

Urteko tasa baliokidea (UTBa) Espainiako Bankuaren 5/2012 Zirkularrean - 2012ko uztailaren 6ko BOE- adierazten denaren arabera kalkulatu da.

KONTRATUA SUNTSIARAZTEA

LABORAL Kutxak eskubidea izango du kontratua edonoiz suntsiarazteko. Kasu horretan, 2 hilabete lehenago jakinaraziko zaio titularretako edozeini, eta, epealdi hori igarotakoan, kontuak ez du interesik sortuko. Bezeroak saldoa eskuratu beharko du, zenbateko osoa hartuko duen txeke edo ordainagiri bakar baten bidez.

Titularrak kontua ixteko eskatu ahal izango du, aurrez ohartarazi gabe; halere, LABORAL Kutxak eskubidea izango du kontuaren likidazioa eta saldoaren itzulketa geroratzeko, kontuari lotutako ordainbideen bidez indarrean dauden eragiketak zorduntzeko behar den denboran. Titularrak itzuli egin beharko ditu libreta, txeke-liburuxka, kreditu- eta zordunketa-txartelak eta kontuan helbideratutako gainerako ordainbideak.

BALDINTZAK ALDATZEA

LABORAL Kutxak eskubidea izango du komisio berriak ezartzeko edo agiri honetan jasotako interes-tasak aldatzeko. Aldaketak, bezeroarentzat onuragarriagoak ez badira, indarrean jarri baino 2 hilabete lehenago ezagutaraziko zaizkio, ohiko postaren bidez, titularretako edozeinek LABORAL Kutxari adierazi dion helbide elektronikora bidalitako mezua bidez edo edozein baliabide elektronikoa edo telematikoren bidez, hala nola telefono mugikorrera bidalitako SMS bidez edota jakinarazpena egiten den unean legez indarrean dagoen beste prozedura baten bidez.

Bezeroak uko egiten dio, berariaz, adierazitakoa ez den beste abisu-epe bati.

Titularrak aldaketa horiek onartzen dituela ulertuko da, aldaketak indarrean jartzeko proposatutako egunaren aurretik bere desadostasuna adierazten ez badu.

Titularrak aldaketa horiek ez dituela onartzen adierazten badu aldaketok indarrean jartzeko proposatutako egunaren aurretik, kontratua inolako kosturik gabe suntsiarazi ahal izango du, eta aldaketa indarrean jartzeko aurreikusitako egunaren aurreko edozein unetatik aurrera izango du eragina.

GORDAILUEN BERME-FUNTSA

CAJA LABORAL POPULAR COOP. de CRÉDITO 2011ko urriaren 14ko 16/2011 Errege Lege Dekretuaren bidez sortutako Gordailuen Berme Funtzari dago atxikita, eta gordailugile bakoitzari 100.000 euroko zenbatekoa bermatuko dio, gehienez, dirutan egindako gordailuetarako.

BANKU-KONTUAK INTSULDATZEKO PRINTZPIO ERKIDEAK

CAJA LABORAL POPULAR COOP. de CRÉDITO «Banku-kontuak lekualdatzeko printzipio erkideetara» atxikita dago. Europako Banku Industriaren Batzordeak (EBICEk) Europar Batasun osoan aplikatzeko sortutako printzipioak dira horiek.